



BOLETIN TRIMESTRÁL PNUD TIMOR-LESTE PROJEITU DARDC



EDISAUN DAHULUK

Konteúdu

1. Ministra da Solidariedade Social lidera monitorizasaun konjunta ba fatin projetu DARDC nian
2. Komunitade lokál produz no kari'í Fini Bola hamutuk 203,000
3. Pedidu proposta kona-ba fundus komunitaria apresenta on aba iha Ministério Administração Estatal (MAE)
4. Inisiativa agroflorestál komunitariu
5. Projetu moru tahan rai no ponte ki'ik lansa ona iha Letefoho-Ermera
6. Kuadru avizu 4 kona-ba ahi-han rai installa ona iha munisípiu Aileu no Ainaro

Janeiru-Marsu 2018

Projetu Koridor Dezenvolvimentu Estrada Dili-Ainaro ho objetivu atu hametin rezilénsia comunidade ne'ebé hela iha Koridor Dezenvolvimentu Estrada Dili-Ainaro ba iha dizastre kauza husi mudansa klimatika hanesan bee-sae, erosaun, ahi-han rai, aninboot no rai-monu hodi reduz risku ne'ebé estragus infraestrutura Estrada no comunidade nia moris.



Foto: Marino Mouzinho/PNUD



Foto: Marino Mouzinho/PNUD

Ministra da Solidariedade Social lidera monitorizasaun konjunta ba fatin projetu DARDC nian

Ministra da Solidariedade Social, S.E. Dra. Florentina da Conceição Pereira Martins Smith, lidera monitorizasaun konjunta ba iha fatin projetu DARDC (Korrédor Dezenvolvimentu Estrada Dili-Ainaro) ne'ebé implementa husi PNUD no Banku Mundiál iha loron 22-25 Janeiru de 2018. Ministra akompanha husi Vise Ministru Agricultura no Pescas, S.E. Deolindo da Silva, Director Geral Meiu Ambiente, Ministério do Dezenvolvimentu e Reforma Institusionál, Sr. João Carlos Soares, Director Nacional Meteorologia, Ministério Obras Públiku, Transporte e Comunicações, Sr. Terençio Moniz, Country Director PNUD, Sr. Claudio Providas no representante Banku Mundiál, Sr. Olivio Euclides dos Santos.

Visita ne'e nia objetivu atu observa no hare besik ba fatin projetu no rona direita husi comunidade beneficiariu sira kona-ba progresu projetu no dezafiu sira.

Delegasaun halao visita ba fatin projetu 11 husi PNUD no Banku Mundiál nian iha Aileu, Ainaro, Ermera no Manufahi ne'ebé kompostu husi infraestrutura projetu bee-moos, reforestasaun no centru viveirus (PNUD) no moru tahan rai, deker no centru evakuasaun (Banku Mundiál).

Ministra no delegasaun mós inagura projetu bee-moos rua ne'ebé implementa husi PNUD no centru evakuasaun ida husi projetu Banku Mundiál nian. Aliende visita ba fatin projetu, ministra mós halao visita ba edifisiu MSS munisípiu.

“Agradese ba PNUD ne'ebé ajuda Governo hodi fornese bee-moos ba comunidade. Ha'u husu ba comunidade atu utiliza facilidade bee ne'e ho diak atu nune'e bele uja ba tempo naruk,” dehan S.E. Smith durante inagurasaun projetu bee-moos iha aldeia Turisai, Suco Madabeno, Munisípiu Aileu.

Projetu bee-moos ne'e fasilita liuhusi mekanismu fundus komplementar atu hametin kapasidade comunidade sira atu hamenus no evita risku dezastre no hasa'e adaptasaun klimatika husi comunidade beneficiariu sira liuhusi servisu investimentu públiku no projetu iha korrédor Dezenvolvimentu Estrada Dili-Ainaro.

“Agradese ba comunidade sira ne'ebé ho esperitu voluntariu kompleta ona projetu ne'e. Hanesan ita hatene katak Governo investe ona osan

barak iha infraestrutura sira, tanbá ne'e itabot sira kuidadu no tau matan ba estrada no infraestrutura produtivu seluk tanbá Timor-Leste nasaun ida ne'ebé vulneravel ba iha sikulo klimátika hanesan El-Nino no La-Nina," tenik Sr. Providas, Country Director PNUD.

Chefe Suco Aisirimou, Sr. Ildio Mau-Felo, ne'ebé representa comunidade beneficiariu sira hetete katak comunidade sira hein kleur ona ba bee-moos no ohin loron mehi ne'e realiza ona. "Agradese ba Governu no PNUD ba iha iniativu atu fornese bee-moos ne'e ba ami nia comunidade. Ami husu atu projetu bee-moos ne'e bele halao tan iha aldeia seluk ne'ebé infrenta problema bee-moos," salienta Sr. Felo.



Foto: Marino Mouzinho/PNUD

Komunidade lokál produz no kari'i Fini Bola hamutuk 203,000



Foto: Marino Mouzinho/PNUD



Foto: Marino Mouzinho/PNUD



Foto: Leonel Bere/PNUD

Ministério Agricultura no Pescas (MAP) liu husi Direcção Geral Floresta, Kafé, no Plantas Industriais ho apoiu husi PNUD continua halao reflorestasaun iha area degradadu iha Korredor Estrada Dili-Ainaro uja fini bola.

Tékniku Fukuoka ho objetivu atu refloresta area degradadu sira hodi proteje area sira ne'e husi dezastre naturais hanesan rai-monu, inundasaun no anin-bot.

"Ami nia comunidade sei hetan benefisia husi projetu iha tinan 5 ka 10 oin mai bainhira ai-oan moris hotu ona," dehan Sr. Silverio Amaral Barreto Felix, Chefe Suco Bandudato, munisípiu Aileu. "Ami agradese ba PNUD no MAP ba iniativa ne'e, hodi bele proteje ami nia comunidade husi rai-monu no anin bot."



Foto: Leonel Bere/PNUD

Tékniku Fukuoka uza intervensaun minimu ema nian no konsidera hanesan métodu toos natural ne'ebé la presija mákina, elementu kímiku no uza loron matan natoon. Rai kultivu sein preparasaun ruma husi rai liu husi uja fini bola. Tipu kultivasaun ida ne'e útil tebes ba iha re-vejetsaun rai degradadu sira.


Iha Novembru 2017, iha munisípiu Aileu, Ainaro, Ermera no Manufahi comunidade produz ona fini bola hamutuk 203,000, ho total 356 beneficiariu ne'ebé partisipa iha treinamentu. Fini bola hirak ne'e kari'i ona iha area degradadu sira iha munisípiu haat refere iha Fevereiro 2018.



Foto: Joaquin Oliveira/PNUD

Publikasaun foun: Matadalan Agroforesta Komunidade

introduz pratika agroforesta sira, inklui selesaun ba modelu agroforesta no spesias, tékniku viveirus no prosesu kuda.



<http://www.tl.undp.org/content/timor-leste/en/home/library/resilience/community-agroforestry-guide.html>

Pedidu proposta kona-ba fundus komunitaria apresenta ona ba iha Ministério Administração Estatal (MAE)

Pedidu proposta kona-ba fundus komunitaria apresenta ona ba iha Ministério Administração Estatal (MAE) iha edifísiu MAE-Caicoli iha 27 Februari de 2017. Objétivu husi fundus komunitaria ne'e mak atu hakbit ONGs, Organizasaun siedade civil no grupu komidade atu implementa planu asaun komidade aliña ho objétivu husi desenvolvimentu integradu bioenjinariu no sasukat komplementariu jestaun rai, reflorestasaun, agrofloresta, reflorestasaun bamboo (Au) no viveirus ne'ebé bele hasa'e kobertura vejetasaun iha bacias hidrograficas no paisajem hasoru risku ne'ebé kauza husi klimátika.



Foto: Marino Mouzinho/PNUD

Director Geral Decentralizasaun Administrativa, Sr. Abilio José Caetano hatete katak Ministru Administração Estatal kontenti no apresia ho projetu uza fundus komplementar ne'ebé implementa direita husi komidade iha munisípiu Aileu, Ainaro, Manufahi no Ermera. Sr. Caetano espera katak ba iha faze tuir mai, qualidade projetu presija hadia'k liutan no kapasidade komidade hadia'k liuhusi projetu ne'e.

“Ha'u espera ita bele hadia'k liutan ita nia servisu hodi benefisia komidade iha futuru. Komidade tenki sai xave prinsipál ba iha projetu no importante liu mak sira tenki iha abilidade atu halo planu no halo konstrusaun rasik hafoin projetu remata,” dehan Sr. Caetano.

Fundus komunitaria ne'e hanesan rezultadu husi Avaliasaun Kapasidade Komidade Vulneravel ne'ebé halao ona fulan hirak liuba, fundus komunitaria hirak ne'e propoin husi chefe suco sira atu apoiu sira hodi implementa planu asaun hodi responde no identifika perigu naturais sira. “Ita implementa ona faze primeiru husi projetu no agora ita tama ba iha faze segundu. Ha'u husu kolega sira husi munisípiu atu aproxima no informa klaru ba komidade oinsá projetu ne bele benefisia sira,” dehan Dr. Shyam K. Paudel, Chefe Asesor tékniku projetu PNUD-DARDC.

Atividade projetu sei kompleta iha periodu fulan 12 husi data husi fundus ne'ebé intrega. Durasaun tenki kontijensia ho alokasaun orsamentu, kapasidade husi komidade ne'ebé simu fundus no bazeia ba atividade ne'ebé atu implementa tuir proposta.

Inisiativa agroflorestál komunitariu



Foto: Julio Pinto/MAP



Foto: Marino Mouzinho/PNUD

Sozializasaun agroflorestál bazeia ba komidade halao ona ba suco alvu 21 iha munisípiu Aileu no Ainaro iha 5 – 16 Marsu 2018. Atividade agroflorestál ida ne'e sei kontribui ba konservasaun rai, restorasaun rai no prevensaun dezastre. Atividade ne'e mós sei ajuda uma-kain komidade lokal ne'ebé hela iha korrédor iha tempo badak no tempo naruk nia laran.

Totál ai-oan hamutuk 45,000 distribui ona ba iha uma-kain 210 husi suco 21 ne'ebé sei kuda iha area hectares 105 rai komidade nian iha munisípiu Aileu no Ainaro, ne'ebé sei benefisia ema hamutuk 17,717.

“Ha'u espera katak itabot sira kuda duni ai-oan sira ne'e tanbá sei benefisia itabot sira iha futuru. Itabot sira tenki responsabiliza atu kuidadu ai-oan ne'ebé sei fó ba itabot sira,” dehan Sr. Silverio Amaral Barreto, chefe Suco

Bandudato ba nia komidade sira iha munisípiu Aileu.

Agroflorestál ne'e sistema to'os ne'ebé iha kombinasau ai agricultura no ai-han sira. Ida ne'e sei hasa'e lukru liu husi kriasaun ba variedade plantas, hadi'ak qualidade agricultura, prevene degradasaun rai, hamenus risku husi faila kolleta, proteje hasoru erosaun rai no hamenus nesiedade atu uja adubus.

Komidade sira entusiasmu ho inisiativu ne'e no husu ba MAP atu aumenta produz ai-oan. “Ami presija tan ai produsaun sira hanesan ai-kameli ne'ebé sei fó benefisia iha tempo naruk no ai-fuan sira ne'ebé sei benefisia ami iha tempo badak,” tenik Sr. Fransisco Barros, membru komidade ida husi Suco Bandudato.

Projetu moru tahan rai no ponte ki'ik lansa ona iha Letefoho-Ermera



Foto: Marino Mouzinho/PNUD

Projetu fundus komplementar foun ne'ebé atu konstrui moru tahan rai no ponte ki'ik lansa ona husi Ministru Administração Estatal, S.E. DR. Valentim Ximenes no PNUD iha aldeia Duhuho, Suco Haufu, postu administrativu Letefoho, Autoridade munisípiu Ermera iha loron 23 Marsu 2018.

Funsaun prinsipál husi moru tahan rai no ponte ki'ik nemak atu proteje comunidade no sira nia infraestrutura husi rai-monu no atu liga estrada comunidade husi suco Haufu ba iha estrada bot postu administrativa Letefoho.

"Ami sofre barak ona husi rai-monu no anin-bot iha suco ida ne'e. Ami hato'o obrigado ba Ministério Administração Estatal (MAE) no parseiru desenvolvimentu hodi ajuda ami ho projetu ne'e," dehan Sr. José de Deus, membru comunidade husi aldeia Duhuho.

S.E. DR. Ximenes husu PNUD atu kontinua apoiu liuliu halao reflorestasaun lalais atu proteje konstrusaun ne'e husi rai-monu. "PNUD mak apoiu projetu ne'e, no projetu seluk sei mai tan, liuliu reflorestasaun iha area ne'e atu bele prevene fatin ne'e husi rai-monu," tenik Sr. Ximenes.

Projetu ne'e implementa liu husi mekanismu fundus komplementar ho durasaun fulan 6.



Foto: Marino Mouzinho/PNUD



Foto: Marino Mouzinho/PNUD

Kuadru avizu 4 kona-ba ahi-han rai installa ona iha munisípiu Aileu no Ainaro



Foto: Harun Boavida/PNUD

Suco Madabeno, Aileu



Suco Talitu, Aileu



Foto: Harun Boavida/PNUD

Suco Aitutu, Ainaro



Foto: Harun Boavida/PNUD

Suco Manutasi, Ainaro

Projetu PNUD-DARDC 2018

Edefiçio : MSS-NDMD, Bemori, Dili, Timor-Leste

CTA/PM : Dr. Shyam K. Paudel
E-mail : shyam.paudel@PNUD.org
Telémovel : +670 7795 2899

Director DNGRD : Sr. Agostinho Cosme Belo
E-mail : agostinhocosme.belo@gmail.com
Telémovel : +670 7732 6917

